

仲蔚先生集

仲蔚先生集卷之十五

吳郡俞允文著

碑

嘉定重建啓聖公祠碑

天子即位之九年考禮秩祀乃以孔子至于今  
數千載為天下通祀而子孫膺世享之封易代  
奉之有褒無替而於梁紃尊為聖父而神位獨  
與七十子之後輩列乎廡廢禮逆祀莫此為甚  
乃詔天下自太學暨州邑並建祠為專主禮祀

隆其爵為上公曰啓聖公復配以類無繇曾蒧  
孔鯉孟孫氏及宋程顥朱松蔡元定七人用推  
聖孝以敷教本傳之周極嘉定吳東鄰之邑初  
嘗奉 詔建祠然僻居學宮東隅門西向側出  
處所逼窄無以展禮飭事邑侯萬君思謙至官  
克勤大節亟用靡寧諮詢稽度爰擇 典禮協位  
定制歛嬴宅徙齊事命日惟夏四月三日而成  
廟既改作大壯厥初昭祀孔嚴祖庭出 敬于是  
訓導施昊教諭陳文鉉邵本學生潘士英唐

堯陸琦唐尹等來告願刻銘以紀戾之勤惟孝  
之大者莫若以天下養以天下養宜莫若舜而  
止于其身孔子生而父死長而疑其父墓處及  
母死塋于五父之衢而始獲誨于取人輓父之  
母孔子養不及親至於今數千載卒能顯其親  
于後世為天下通祀此其孝信有踰于舜者惟  
天子崇孝敦本而其禮加隆于古昔能揅孔子  
之志惟侯研滌道基又能闡弘德意勤於大節  
俾士民知教化之所由且是役也即事有漸得

政之經誠不宜專使魯侯泮宮之事著美前載也乃作銘曰 於昭孔公天粹醇德玄丘制命應期五百誕育至寶含此聖極應世承循享祀則咸天子永思百神咸秩汰逆明順率禮作則光聖元孝不顯在昔肆詔邦畿爰暨州邑惟此廟貌厥初孔窄萬侯其勤實殫厥誠卜遷于休是經是營維臺嶢嶢維棟欲欲乃作石門合于大高斯廟既作是告是遷崇報孔嘉神樂其歆濟濟多士克廣德心振振萬侯受天之慶聚石

刻詞以永令名

吳江縣脩城碑銘代

吳江古松陵地為吳越要衝昔吳越王鏐偏據  
一方始城吳江以嚴保障其後張士誠復拓為  
之逮國朝奄有四海久屬承平城曰日就傾  
圯往時海賊劉通施天泰等接踵入寇民遘遘  
莫能自保正德癸酉吳江蕭侯九成仍行營廢  
址益拓為之而民獲恃以無恐然平時吏至不  
三四年輒易去時亦幸以無警轉相因循不復

繕葺故自正德癸酉至今四十餘年而城之傾圯者亦已殆半比歲倭奴肆虐率取路吳江危偏特甚德安楊侯適蒞茲邑戮力拒守又出顯畫大破賊於膝墩之野賊自是不敢窺境侯尤以賊勢未決非城無以自衛遂白監司聚貲贏糧協衆命日鳩工就功始事於某年月日即以某月日而城成千雉翼翼樓櫓翬翬百廢具興大壯厥初於是邑之士大夫相與歡慰請紀其事於予曰昔蕭侯之役王文恪公鑿爲紀其事

民至今知有蕭侯今楊侯丁離亂凋瘵之秋而  
克以賢勞自著貽我以安以有完鄂侯誠有大  
利惠於我也盡紀之俾我後世知有楊侯不亦  
善乎余惟古之才賢能與民捍患興利者往往  
其遺蹟與其所載記未嘗廢也是以古人持陋  
不脩卒取困敗而春秋於中城武牢成周之後  
必謹書焉以垂法後世况楊侯有惠利於民若  
此而可缺於紀述乎且方今朝廷急於用賢  
之時如侯之賢而未獲顯用屈宰一邑施小利



惠於民吾固知其不能久繫茲土也茲特書侯  
之事以告來者俾知侯之心而不以怠廢則民  
之蒙利奚止一世而已而諸君之請於是爲宜  
第余之言不足嗣王公之後而張侯之賢也侯  
名某字某復爲之銘曰 維吳之壇爰有松陵  
襟江控湖百川所經南綰楚越北走幽并粵昔  
錢王是經是營以捍外侮於焉是城我明之興  
實偃甲兵吏狎政玩日弛日傾蠹爾荒夷穢我  
郊垆楊侯之來是艾是懲誕奮厥旅以血脩鯨

惟千萬年惟侯之慶敢告執政有此刻銘

仲蘄先生集卷之十六

吳郡俞允文著

行狀

先妣夫人黃氏行狀

先妣夫人姓黃氏世家崑山曾祖諱公祖諱公  
父諱公母陶氏夫人家世受農父稍崛起行義  
因散其所聚千金養豪鷹課獵田間又喜乘騎  
有直氣生夫人夫人兄弟五人最長生而通數  
不類初先廷尉府君失初夫人方氏聞夫人乃

婚焉夫人年十八歸府君府君時為諸生先大父視子嚴急子弟植立庭中令體不得搖家人以文字通口語雖媼婢強必令喉轉不得輒鞭擊之語一發無留行乃可時夫人故年少然善於候伺於所喜即有合能空資賄以赴家之急故大父數稱譽之以為新婦賢然時姊妹嚶喈湍室夫人与之居數十年皆結縵有恩及少姑未嫁夫人為裝遣甚設如已女夫人為繼室於他族能兼禮之如已族故允文有兩外家而子

弟咸憚敬夫人無毫髮可間指為私語先是府  
君官於閩越間及遷廷尉府凡四為理官無深  
文者亦以夫人為之內也嘉靖初府君喪於南  
京夫人新寡而邑多繁徭耗其家太夫人陸氏  
昏夜抱持兒啼泣夫人事太夫人唯謹嘗私語  
兒太夫人春秋高兒無以事膝大人心夫人居  
必䟽裳祭必臨哭如始喪未嘗以他游謁輿  
娼舍日訓督其男以檢書傳令與邑中名士交  
通躬勤饘爨以饒賓客且日給其家百數十人

然夫人以沉度實無一錢意闊達如未嘗貧也  
夫人為人懽和口無畱言奩無畱幣齋物以賑  
貧族依義以薦䟽姻在幼敦婉孌之儀既嫁肅  
移賢之美故夫人歸府君者三十有一年而中  
外欣欣無變詞矣夫人生子三人允升允文允  
濟皆學官弟子允升娶太學生顧鼎女允文娶  
故太學生梁九萬女允濟娶大理寺寺丞周鳳  
鳴女孫男一人伯靈女四人皆幼夫人以先君  
卒之明年傷憂憤成疾後數年疾動疾病二年

嘉靖十六年十一月三日終于內寢嗚呼痛哉  
惟先君之強年年四十有一而卒以及夭禍夫  
人後先君之沒十有二年年五十而又奄忽以  
罹鯁疾嗚呼天其暴摧折之有如是哉嗚呼痛  
哉不肖孤允升等卜以嘉靖十八年十有二月  
七日奉夫人之柩祔於矣潮塘先君之塋嗚呼  
不肖孤生無以寧夫人之居歿無以為夫人融  
顯罪戾崇於厥躬猶復含血被肉不能即死茲  
乃輟哭輯叙夫人世系行事敢請辭于大人先

生刺置丘竈俾榮著其輝於遠遠則不惟孤之  
幸蓋先人之大幸也



仲樹先生集卷之十七

吳郡俞允文著

頌

文德頌

并序代

嘉靖三十六年春天子命侍御史河南尚公巡  
行南方公行部必先即學宮拜孔子廟見諸生  
及試其所有以敦沮勸先是學宮與孔子之廟  
皆毀壞不治唯蘇州暨常熟華亭丹陽丹徒金  
壇為甚公惕焉弗寧深唯孔子至聖而當世不

能用退而考三皇五帝羣聖人之行事與其書  
而刪述之盡經緯叅贊之能垂貞明之法式於  
後世至漢主好文始立廟祀孔子選孔子子孫  
置百石卒吏一人守廟典主禮器大宰大祝令  
皆一人侍祠而非通祀後世寢以為隘乃遂自  
大學以逮郡縣皆得立廟學宮通祀孔子以為  
萬世師令諸生誦習講說其中春秋祠饗知法  
式之所由始雖三皇五帝之隆比茲為禩今學  
與孔子廟皆毀壞不治則何以示崇褒興教基

公由是亟命有司斥其羨財斲工改為飾舊益  
新命日而成剝陰開陽晦昧昭晰物睹壯麗之  
容人知道德之尊而諸生莫不憤悱麇集各竭  
精銳而興于學思不斁孔子之法武夫公矢茂  
粹質純懿博達綜覽羣書詠備九德撫柔元元  
滌滌瑕穢所向豫震而尤克先本政以弘化屬  
賢風動四方昔僖公有脩泮宮之德文翁有儒  
化之美魯人歌之漢史記之矧公斯役之大而  
民曾不知有費務力役之煩是公之于文德可

謂有加于古矣能無頌乎乃為之頌曰

明明天子誕命股肱股肱伊何厥惟尚公尚公  
其勤巡此南方朱衣繡裳有乘惟驄炳炳其猷  
靡事不綜欽懿弘聖與天比崇萬世作程通祀  
學宮惟此郡邑遭時屯蒙頽壞不治莫顯其榮  
亟用詢謀詢謀僉同不日而新以報聖功自門  
徂階自庭徂堂周圖新模刊落舊章離樓業倚  
髹彤煢煌征行生敬頤眇難詳奕奕新宮惟公  
是營既壯既麗長世之經百用具備嚴祀孔殷

登降有儀萬舞充庭增耀峻德敷暢威靈苾苾  
其馨有師之尊者老嘆嗟耳目發明莘莘生徒  
不戒以興以居以處率我攸行公斯勤斯敷化  
若神登進俊彥擢拔淹淪啓闇以昭革濁以清  
狂狷屬聖靡德不振令聞令望載觀厥成昔在  
濟濟周文以寧品物咸若泰階底平俗厚風淳  
鮮不在能惟公之威允篤斯城恢我教基光我  
文德唯公之功疇是能匹顯顯惟公受天之福  
既多受福永享千祿

武功頌并序代

東夷倭奴肆逆毒流宇內出入數郡之間其邪  
外之聚並海壖與大江最近者尤為賊衝路得  
祠最先雖王旅致討而猶鈎脅黨與阻衆紀威  
稽留天誅未即底定以勤甯旰之憂徵師餽糧  
天下騷然蓋由吏士承平守備不完故也侍御  
史河南尚公被命兼監統軍事公內建忠弼之  
謨外恢干城之略踰年而義聲與移威俱峻閩  
廓殲落邊境清夷乃以其聚並海壖與大江最

近者宜並為城以阨賊衝而令役于有司于是  
遂度其所宜城者以華亭之柘林上海之川沙  
嘉定之吳淞江陰之陽舍鎮江之孟河為五城  
而居之而又申令羣司明其伍候戒其兵甲險  
其走集慎其官守以備豫不虞又寧黎蒸焉夫  
莒城惡恃陋不脩不浹辰而楚克其三都君子  
譏其不備楚囊瓦城郢而不能衛君子譏其無  
益是故居安而圖其患患至而圖其備備設而  
愼其守文王之城翔方以禦四夷也而以南仲

宣王之城東方以屏諸侯也而以仲山甫詩人  
誦之後世則之以其能完守備故也昔五城之  
民得禍最先踏地踰天寄命無所今其父子夫  
婦皆獲熙熙處其室廬而狎其田野若渴得漿  
若寒得衣內外靖安流亡歸附豈非守備之完  
使然哉事大而恩重通悅而遠肅是公之于武  
功可謂有加于古矣能無頌乎乃作頌曰

溟海之壖大江之隅虛落林聚環水而居因田  
而耕因澤而敷目化鋤耨耳絕戈矢天下安瀾



沉潛樂胥民之泮無實弘我亂婪婪東夷逞其  
雕悍嘯呼煽熾入我郊畎白骨交野凶播禍近  
惴惴姬姜號天以竄將無專謀兵不宿篡營成  
相漬羣妖周環惟此鞠訕日生月胤英英尚公  
惟良惟聰既文且武齊邁羣龍克簡帝心朝議  
惟曰式是明命是經是營監我六師以董不韙  
六師逢逢靡不率從遂成其衝謨此大功連連  
海壖細細大江臨臨新城螫賊是屏休我黎蒸  
靡有震驚忘此號竄笑語歡迎是田是獻里門

寢局匪公之謨曷賴以寧既寧以急鮮不斯墜  
商恃孟門而國以敗梁滿公宮而民是潰惟善  
之大善在守備公實事事既嫗既响保我封疆  
以薦伊祐我儀其人南仲山甫物有繁植人無  
扎戕嗟我庶類如熙春波我公之功猶彼山河  
不竭不磨億禩靡加

保障江南頌

并序

嘉靖三十有三年春蠢茲倭夷弗諱肆雲中夏  
大江以南糜沸雲亂婪婪狡衆狂趨渾奔攻燔

城邑剽殺將吏百姓流亡歸命無所列校緣戍  
屠潰失守者難以比數往往告敗上京殆靡寧  
歲皇帝為之肝食晏寢推命上將畀之提鉞乃  
大舉楚蜀之驍悍齊秦之技擊羗戎之豪酋暨  
關隴之櫟師隱隱輶輶厚集堅重之陳十有餘  
萬期於殄滅乃已餽餉傾於州郡天下騷然夫  
驅天下之全力摧翹折之殘醜泰山壓卵未足  
稱喻然而師乏謀律損費傷威亡士無功淹移  
歲月時惟侍御史汝南周公膺英詰之上資茂

卓邁之純德謇謇著節貞亮熙朝達變知機肅  
祇誕命監戎四郡保障江南示德示威有張有  
弛申明誓勅部按隊簡稽精堅采拔淪滯賞  
無費留罰不踰制援籌六奇之中決勝千里之  
外謨臣武將袷服繫衣之士莫不怫帽鏖賊爭  
驚推鋒而乃陸格矛盾海蓋艤衝雷厲風驅天  
旋電激建祀姑震鳴鼉藐觀乎高岡流慮乎絕  
垠橫厲睚眦肆險奔欲敵未及殺刃已先加鉞  
鏑所從不期俱殪挫絳生俘聯括腐骸棄所獲

蹂躪夷窟彈巢焚星流慧掃反旆回軫以恬以  
嬉凶頑既夷宿憤既摠而公尤以亂離斯瘼饑  
饉荐臻閭閻有杼軸之憂城邑無藩籬之固乃  
紀願剴奏蠲免田租底力辭豐損滋示儉不矜  
不伐雖休弗休帝用酬庸寵以殊典進式多士  
載觀厥成炳文武其並隆兼威德而兩懋保障  
之功未有若斯之盛者也昔漢趙充國之伐先  
零竇憲之擊匈奴皆以才技權威希亂圖功窮  
城極邊黷武於不爭之地而揚雄班固之儔猶

著之銘頌至今稱之不絕矧公義在庇民忠惟  
效主將神禮樂之場夷凶討賊之壤俾決力於  
一戰之眇致元功於累挫之餘苟非被之歌頌  
則後世將何所稱法哉某幽介末寸學慚庸陋  
雖不足以軼芬先藻揚闡殊烈然不勝慙款敢  
述保障之義作頌一篇庶萬分之一也頌曰  
芒芒圓象渾渾方儀降祚有明拓統開基肇建  
皇極參黷以釐俊民用章九有以綏其  
周所不臣漢所未征驟山驟水輦贐航珍娘歌

烏譚玉潤金聲十聖相禪重輝嚴明

其二

既輝既明崇極斯圯蠢茲狡夷紀威干紀猛勢  
燭熾燔譚駭駭揮鋒成霜飛矢成雨

其三

火烈燎原所濶浮烟載陰載陽上賴玄顏愜愜  
士女扶服踰天野有委骸填坑塞原

其四

師無專策兵久卒潰稔寇資糧挫銳銳我既  
無素彼乘其獎覆師敗績毒流宇內

其五

環我華城化為敵墟兮我黎蒸化為敵俘敵強  
援闊城危氣孤我之不克日月其徂

其六

帝赫斯怒誕命帝臣選徒十萬是討是震顯允

惟公允武允文監我六師帝曰汝能

其六

料敵合變恢我鴻算九地匪幽重玄彌煥濟威

能寬處仁則斷臨危引義剋期剪亂

其八

我師無方有紀有綱初服齊志渴關任攘懦夫

虎奮弱子鷹揚我矛我盾靡用不臧

其九

左屠右剪至於海隅維綃揭櫓連艦接艦島驚

龍掣淵薄空虛曷悟所歷惟敵之暮

其十

于海于陸胥我王旅海扶脩鯨陸斲發窾彼鯨



既寔我噉我哺舉無失策謀無遺譖

其十一

惟彼卒昏亡精怖魂進不及降退不及奔仇頭  
髡鬻疆眼瞋瞋悔前之為誰乞予恩

其十二

曰昔狡夷弗聽弗馴邈矣太祖斤而弗賓曷不  
斯懲冥頑是嬰恣命不圖以冒天刑

其十三

我之既克遂旋戎師我憤既摠告功以時練懷

閭憐穢惡清夷我有元功匪公孰為

其十四

公有讜言獨我田租我有饑饉公來其蘇夙夜

罔懈勞謙日躋極溺拯顛曾是以娛

其十五

我盾我矛封我蘭錡休我師人藝我禾黍更造

夫婦肇有父子化罔不漸澤靡不侈

其十六

山甫補闕方矧禦侮顯允我公曠世同矩既擷

其根又細厥緒明睿在躬靡德不舉

其十七

洋洋惠風浼浼令猷運合道行益慎厥脩寵命

紹至對揚天休文明內止武烈外彪

其十八

湛恩弘濃元功郅隆作冠百辟克始克終天心

愉愉薦成于宗旁暘協氣以及昆蟲

其十九

千祥萬福穰穰于何不臻惟公是享孰克

明賢而不斯仰垂輝後世增耀疇曩

其二十一

邑侯宋公榮名頌

并序

邑侯宋公蒞政之三年民稱乂安治理著效下  
享物聽上簡帝秉寵命存臨方膺顯授七月  
之吉奉召叱轅公德在人感被自薦里歌巷詠  
麇至蟻屯以往况今事絕稱喻於是邑之耆老  
某等慕切攀轅不期咸萃乃相率咨度思述功  
德以播遐祀粵惟在昔苟有遺愛罔不靡堅勒  
崇褒獎潤色况今親當其事而有缺於揄揚者

乎輒作頌一篇詞之優游文慚炳蔚其詞曰  
於樂休代天啓洪聖克睿克哲龍德中正光臨  
九國萬景祚鏡乃眷黎蒸登攸髦儁

其一

燁燁我公時惟鳳舉英朗外昭仲夷內美式允  
帝求畀于百里于吳之疆我公戾止

其二

乃振華纓乃綰銅墨屈己弘化示民以則激揚  
清流開灑芳澤上法烹鮮下規東濕

其三

義俊威稜機遊智刃巧剗不設奸渠自寢宿詔  
靡留疑詞惟允教以德宣情以理準

其四

經畝匡後決壅流清微歛以期薦萊以勤我稼

曷蓄我賦曷登衆瘼時蠲百廢具興

其五

展案有赫敷施其德夙夜罔懈既完既實積粟

千箱鳴弦萬室曾是徒勞茂此殊績

其六

惟時殷會入覲紫庭對揚王休最于百城帝曰

汝賢詔于阿衡肆于寵命俾升于京

其七

星言遙駕于彼翔塗慶雲翼軌祥風播旌我公

于邁載馳載驅矯矯羣龍奮于天衢

其八

煌煌稽紳言鋪其藻皤皤鄉耆扶奉遺老非仁

曷親非賢曷寶民有常懷非公曷表

其九

所居民富所去民思尚想前良于傳有之昔聞  
其聲今親其來申頌斯章以永令規

其十

耆英頌

并序

耆英頌者為通政張公作也公以初進士授濟  
寧州守其後復補開毫二州所至以惠愛著稱  
於民又能以顯畫謗除巨盜刻石紀功德焉累  
遷至刑部郎中通政司叅議不能降志權貴在  
廟災遂引咎自劾而實非故制也家居七十有餘

載軍事產業乃南尋武夷匡廬之勝北暨瑯琊  
之山沿回數千餘里靡不窮覽無論吳越真可  
謂抗跡區外者矣至若孝友之行克勤於家長  
厚之風足被於俗哉篇流咏汎愛延納包含衆  
品開廓常倫年屆耄期神志彌固羣公虛位尚  
師老成安車之招將賁立壑矧復濟濟哲胤拜  
慶有儀燕喜婆娑榮映南園揆之洛下諸公雖  
世殊地異謂之耆英信無慚德某不敏敢作頌  
曰 浩浩南國薦生哲人才高拔世道茂經綸

命作事分  
撫翼天階以隆德聲冠冕海內羽儀朝廷遐迩  
希風結轍成羣顯顯君子矯跡爭門秉節不阿  
違急繫身飄然遠引以振翬塵寄情巖壑願志  
典墳逍遙而遊越載彌旬谷迷夏草蟻感春雲  
僉曰達隱有異沉淪後容自娛抱璞含醇羣公  
讓德欲屈蒲輪尚以非時度俗懷歎揮金當年  
靡計後昆登享壽考松喬與均氣邁壺叟心虛  
谷神載歌白華其樂欣欣敢稱作頌嘉慶日新

吳郡太守太原王公宣風頌



吳郡壤土千里其歲賦及財貨輸于哀師者數  
百有餘萬天下財賦之彊也比承寇亂之後師  
旅繁興飢饉荐至百姓彫敝奸宄滋萌吏皆因  
循守職不可禁制天子以為憂思欲又安之  
郡守非親選置不得往由是大原王公自知鄧  
州及同知鳳翔嘉績丕著克厭上心即擢守茲  
郡公庶敏寬平勞謙篤厚外敷簡大內蘊精明  
事非古不設於政政非經不加於民剴決留獄  
糾剔潛蠹懾懾強禦懷保惻弱恢崇峻茂拔擢

幽隱勤穡務農飭備要塞疎苛煩之繇除慘酷  
之令濡汪濊之澤敦純懿之風開太平之基宣  
中和之化到官踰年郡中乂安遐迹懷慕有加  
厥初同知金華事周君胤昌為公同年進士今  
又為公屬縣民蒙公之化因命其綴文以顯至  
德其亦辱在編戶行能庸劣學術無以自異於  
衆濫獲承公之顏色荷度外之殊禮退而幸慰  
恥于距躍矧敢自匿其薄伎竊聞太守吏民之  
本共漢宣帝時拜刺史守相輒親見問觀其言

與行及治理效者加璽書勉勵增秩賜金以寵  
用之故良吏盛於其世稱為中興而益州刺史  
王襄時以政治和平百官樂職欲宣風化於衆  
庶王褒作中和樂職宣布詩依鹿鳴之聲而歌  
之當世以為盛事今公親膺重選以理亂繩真  
能宣風化於茲土即漢之良吏何以加諸仍俾  
如公者數人列治一時以寵其用於天下則中  
興可幾矣寧無綴述以美之誠以美至德而述  
形容者莫過於頌報謹作宣風頌一篇庶列之

詠謠歌之嚮道示刑宇內使褻等不得專休譽  
於曩藉也頌曰

於赫有明惟時誕興受祚自天以奉天刑戡定  
厥亂以有黎蒸荒憬來同四方底平

其一

既同既平休我師人干戈載輯俎豆斯陳在安  
忘危詭言虛稱國玩政逸靡繫不臻

其二

邇矣東夷狡焉是侮惟是華國是師是虞空我  
扞軸蹻我忝稔瘼此羣黎歸命靡所

其三

帝求明德綏此羣黎申命百司疇克舉之曾是

夙夜懃斯勩斯僉曰惟公實克以綏其四

帝曰嘉哉与尔剖符自彼鳳翔來此東吳顯顯  
惟公承命以趨爰拯其危其疾其驅其五

公來惟何朱輪華轂玄熊載軾六轡沃沃新綬  
若若清風載穆對揚天休靡德不育其六

猗公之德亹亹翼翼靡不柔嘉靡不為則剪我  
杞棘遏我發賊古訓是獲不愆不忒其七

威儀孔赫德音不穀是句是宣罔或於逸肆成  
髦士好此幽側豈曰小悞教鋪俗易其八

有作嘉步之集一  
爰昔惟良休有烈芳有集威鳳有美甘棠有聲  
惟公式是用光如絲如緼其出彌章

其九

湛恩汨汨如彼流泉帝斯萬年公受祿實駢既  
多受祿子孫綿綿壽考日躋永享南山

其十

仲蔚先生集卷之十八

吳郡俞允文著

贊

高士贊

并序

古之士有高世之名者非矯也而其行誠高而志精堅與溷濁不苟有所合視一世莫可以安其生者故遂冥處江海之上巖谷之中以逸樂其道而世亦初莫之尊禮焉及其與世浸遠行益高志益精堅而求其類是者彌寡世乃方以

其賢為不可及思必致之與之共理於旌幣蒲  
輪之使父望尊禮日隆而斯人愈不至矣易曰  
執之用黃牛之革莫之勝說又曰肥遯無不利  
其是謂乎為性之所乏而能不枉其才違害以  
全其道者亦可謂識去就之分矣故自周衰以  
逮於漢晉擇其幾是道者為之叙贊其事凡三  
十六人庶乎俛仰之間或可循其跡之所至焉  
若夫身殞世難雖能外其生以起名節而亦不  
能無累余未敢列之此篇



榮啓期 周五人

榮公者何九十行歌庶裘帶索委蛇同波行遁  
尼父泰山之阿一言通道三樂自多居常待終  
豈識其它

林類

魏有林類年且百歲底春而裘行歌拾穗齊同  
死生鰥游奚悔案哉若人孰喻其意賜也空聞  
宣尼爰契

原憲

原憲窮閭來樞蓬戶佳坐彈琴蕭然獨處友賜  
軒車過謝其所榮豈其心貧病是剖一聞其言  
終身慚悔

列禦寇

禦寇隱鄭貧有飢色子陽饋粟而又弗食妻為  
拊心笑對以意全身遠害冷然遺跡著書八篇  
垂世作則

莊周

莊生者何蒙人名周嘗為漆園吏與梁惠王同

時學無所不窺其要本歸於老氏著書寓言以  
誑訾孔子之後類皆空語澆洋自恣楚威王聞  
其賢以厚幣迎之許以相位爰謂楚使者引辭  
犧牛寧游戲汙瀆之中以快其志倚歟先生遂  
不為有國者所羈終身不仕

四皓

東園公  
倚里李

角里先生  
夏黃公

秦二人

四皓者何河內軹人並時齊志脩道潔身退入  
藍田以避狂秦作歌紫芝共入地肺秦滅漢興  
徵之不至邀矣遐哉垂輝百世

顏頤

顏頤貴士論劇齊宣言邁三五英風邈然清淨  
自娛車服都捐歸真反樸形神以全

摯峻 西溪三人

摯峻伯陵清節自治與司馬遷並襟齊契獨隱  
所山脩德避世遷既尊貴乃勸之仕報書而言  
屏絕名利平隱於所所人立祠世奉祀之號曰  
居士歐孫曰恂博貫邁倫學者宗之亦慕先人  
遂隱南山徵召不聞騰聲三輔矣世載於

嚴君平

蜀嚴君平性尚沉冥賣卜成都百錢自營閑簾  
授道著書頭情見得不苟幽操彌貞李彊靡詭  
楊雄數稱九十餘終嗚呼先生

鄭櫟

谷口子真脩道靜默世服其高耕於巖石名振  
京師禮聘不答揚雄法言盛稱其德刻之靈陶

祠子馮翊

韓順  
東漢十八人

韓順子良天水成紀經行高  
清徵召不起王莽之末遂  
隱南山隗鄒禮聘執操彌  
堅託蔭韜光  
山棲泰然不有頌潔昌考終焉

### 申屠蟠

申屠蟠者陳留外黃九歲喪父哀毀居喪家貧  
為傭見竒林宗蔡邕汲重辭讓靡遑隱居精學  
經緯兼明見滂獨歎純跡梁碭屢徵不至咸勸  
之仕笑而不應終全高志卒老於家年七十四

### 向長

尚長子平河內朝歌隱居不仕結尚書和好通  
老易家貧無儲受饋取足而反其餘王莽司空  
王邑辟之連年乃至欲薦固辭讀易致歎乃悟  
損益建武之中嫁娶既畢勅斷家事肆志自適  
北海禽慶雅好既同俱游五岳不知所終

### 龐公

龐公者何南郡襄陽居峴之南未嘗入城去妻  
相敬有如賓朋刺史劉表欲屈不能乃就候之  
因而釋耕遂携妻子鹿門是登采藥不反噫嘻

先生

矯慎

矯慎仲彥扶風茂陵少學黃老避世隱名仰慕  
松喬導引長生汝南舊吳素甚重之遺書觀志  
不吞焉關年七十餘竟不肯娶自言死期及期  
而訃後見敦煌或云神仙同郡馬瑤亦隱于汧  
免置為華所居化遷百姓號稱馬牧先生

法真

法真字高卿扶風郿縣人博學無常家恬靜遠



世塵太守不能屈天子不得臣豈飲洗耳水隱  
絕不辱身友人頌其德號玄德先生年九十有  
九以壽終中平

### 高鳳

高鳳南陽人少時為諸生家本業農畝誦讀何  
專精潦水已流麥持竿猶誦經教授西唐山其  
後遂有名義解鄰里闕懷感為授兵年老志益  
勤名聲日昭聞連召恐不遠遠託絕世紛推財  
與兄子隱身漁釣羣以此終於家懷哉若伊人

戴良

戴良，字鸞，汝南慎陽人。祖遵，任俠稱豪于鄉。自少誕節，母喜驢鳴，乃學爲之，以娛其情。母卒，居喪，飲酒食肉，任真過禮。哀至，乃哭，寸高，尚奇論。多駭俗，屢辟不就。迺入山中，優哉游哉，卒以壽終。五女並賢，嫁不爲豐。能遵其訓，皆有隱風。

嚴子陵

嚴光，字子陵，本會稽人，與光武同學。少有高名，光武即位，變姓隱身。帝思其賢，聘以玄纁三及而

至舍於北軍授書君房言多激昂得書奏之帝  
笑其狂帝幸其所欲助為理謂士有志偃臥不  
起帝復引入道舊致情因共偃臥上感客星太  
史奏之帝曰做終不能屈耕於富春建武十七  
帝復特徵年八十終倚欵先生

### 王霸

孺仲清節絕交避新徵拜建武稱名不臣閭陽  
毀之託跡隱淪妻亦美志共隱終身

### 郭泰

命伯鸞先生集卷之十八  
太原林宗家世貧賤恥役辭母就學伯彥博覽  
兼通乃游京縣膺尹河南一見欣贊洞徹天人  
委辭祿宦拾鑒雅俗遜違世患潛隱勤誨懷賢  
屢歎翔超絕軌冥跡焉絆四十二終一何其短  
無愧銘詞千春彌煥

### 梁鴻

伯鸞幼遭亂卷席莖若翁家須尚節介博覽無  
不通學畢乃牧豕牧豕上林中鄉里慕其賢欲  
女不得從彼美孟德雅三十猶未逢一言遂契

合共入霸陵中彈琴詠詩書耕織聊自充慕古  
頌高士五噫忤肅宗易姓稱運期適吳依伯通  
伯通方舍之閉門潛著書既疾告主人慎勿令  
喪歸塋子羸博間延陵余所希伯通為求葬冢  
近吳要離要離古烈士舉世難與比嗟嗟梁伯  
鸞清節可偕

周燮

周燮彥祖生而醜狀母欲棄之父異其相謂能  
興宗遂留以養始在髫髻而知禮讓既長益克

余仲康先生集卷之十一  
專精禮易非聖之書斥而不習不脩賀問隱居  
罔測下有陂田肆勤目給非所耕漁則不以食  
宗族鄉黨罕得而覲安帝延光以幣聘之遣使  
送敬終以疾辭穆武嘉迫豈曰滑泥

### 黃憲

黃憲牀度年十四時潁川荀淑竦然異之與語  
移日稱曰吾師同郡戴良才高倨傲一見罔然  
若失其高陳蕃周舉至於林宗靡不嘆服汎濫  
表閭初舉孝廉公府復徵不就而終四十八齡

號曰徵君嗚呼先生

徐釋

豫章徐釋家貧力穡恭儉義讓人服其德太守  
陳蕃厚禮遇焉特設一榻去則復懸屢辟徵辟  
而赴喪祭炙雞束芻不告而去苟非林宗孰喻  
其意

焦先

焦先者何舉世莫知唯魏受禪獨居河湄卧不  
設席袒不著衣以身親土垢汗如泥食或數日

俞仲蔚先生集卷之十一  
途不由歌後為野火燒燭其廬露寢積雪袒卧  
不移人以為死就視宛如卒以壽終年百歲餘

侯瑾

敦煌侯瑾字曰子瑜少而孤貧宗人是依性既  
薦譽儻作為貧暮還其家斐然讀書以禮自牧  
獨處周郡州郡屢辟並以疾辭作論矯世譏刺  
當時後入山中覃思著文西河之人敬而不名  
稱為侯君猗歟先生

姜肱



伯淮名族孝友天至博兼經緯爰來多士屢辟  
召命高尚其事帝命圖形託疾輶被益固本志  
遠浮海蒞七十餘終熹平之世

董京

咸輦越俗被疑行吟幽棲洛社穢跡踰塵殘絮  
自覆反卻佳縣答詩孫楚後遂隱身遺音寢處  
乃見玄真

宋纖

敦煌宋纖遠標沉默隱居酒泉門衆受業不與

世交不應州辟揚宣頌像馬岌銘歸矯矯神龍  
道炳身匿著書萬言年老弥篤厥後張祚禮聘  
敦逼遂陳本志不食而卒年八十餘謚曰玄虛

孫登

汲郡公和窟居無族偏草夏裳被髮冬覆義易  
躬精虞琴獨奏援古昭然莫知年數遵晦遁遙  
當海靡詒凌峰朗喁阮不能叩妙鑒秘生幽憤  
乃構漢矣神徵潛真內秀遺書蘇門玄牝莫窺

陶淡

陶淡處靜性好仙術謂可祈年妙齡絕粒不事  
婚娶不營家室長於卜筮專精義易結廬湘山  
養鹿雪色親故候之移澗自匿後避州舉埤山  
之中終身不返莫知所終

陶淵明

有晉徵士曰陶淵明潯陽柴桑避世隱形當宋  
之隆以潛是名少有高趣博學能文文取旨達  
反得其真讀書大畧會意便欣環堵蕭然締綌  
各陳簞瓢屢罄慕古詠貧撫琴無絃漉酒有巾

自傳自號五柳先生性既嗜酒酒至自傾招飲  
輒醉曾不吝情刺史王宏欲屈不能命龐通之  
齋酒以迎先是延之適以道經次於潯陽日造  
淵明留錢二萬以助昏冥廬山惠遠持律最精  
強要入社攢眉而行樂天委分不顧世名初辟  
州府三命辭榮後為彭澤恥於自營即日棄官  
賦辭以明元嘉四年復以詔徵終於困窮六十  
三齡謚曰靖節嗚呼先生

循吏贊 并序

余既作高士贊竊以為士雖負高世之行而藏  
名隱跡混齒編戶若使吏治侵峻必至慢賢後  
德亦安能肆志徜徉縱體簡傲自逸於巖石之  
下哉由是曲肱飲水而不能不勞心於御世斯  
其殆矣漢史稱循吏能令百姓乂安無歎息愁  
苦之心況高世之士而有失志於時者乎且文  
翁任延尤恢儒崇賢章於循吏之中以終高  
士之操是知高士者非循吏無以自逸也故又  
作循吏贊

文翁

西漢

蜀地辟陋初若蠻夷文翁為守數誘進之乃選  
小吏受業京師數歲蜀生成就還歸又起學宮  
招徠子弟為除繇更以次補吏吏民榮之大化  
蜀地巴蜀文雅比於齊魯誰則為之實由翁始  
蜀人至今不絕祠祀

王成

王成者何當宣帝時為膠東相流民自歸治有  
異效宣帝褒之其用未及其名則垂

王霸

王霸次公淮陽夏人以豪役使遂徙安陵入錢  
補官能以廉稱雖習文法持法最平俗尚嚴酷  
寬和自名後以賢良擢守潁川宣帝嘉之寵數  
異焉司察陰伏衆驚神明治為第一京兆是徵  
再遷潁守治行益精鳳凰數集賜爵與金尋遷  
丞相封侯建成風采則劣長於治民漢興以來  
莫之與京

召信臣

召公信臣九江壽春明經高第超守零陵遂遷  
南陽務在富民躬耕勤農舍離鄉亭開通溝瀆  
復起水門廣溉田畝歲々加增仍為均水刻石  
防爭昏喪禁奢游敖抵刑盜息訟止其化大行  
吏民親愛任父是稱荊州刺史具上其能再遷  
河南增秩賜金治嘗第一少府是徵奏省冗費  
數千萬緡元始四年以老卒官詔祀百辟有益  
於民蜀以文翁九江信臣歲時奉祀貽則千春

朱邑



朱邑仲卿廬江舒人少為畝夫桐鄉有恩後舉  
賢良為司農丞北海太守治有高名入為司農  
身居列卿祿共族黨家無餘贏是時張敞貽書  
自明邑感敞言多薦時英終於神爵天子悼驚  
下詔稱揚嘉其潔清賜金邑子以奉嘗蒸初有  
遺愛桐鄉之民遂葬桐鄉立祠起墳顯令德  
其在此人

龔遂

龔遂少鄉山陽平陽素有大節亦以明經官至

昌邑有聲後王嗣位日以驕溢尋亦見廢殊死  
群辟遂得減死以諫之力當宣帝時渤海盜起  
遂已七十歲舉能治形貌短小不副帝意帝始  
心輕終說其對曰治亂民猶治亂繩唯須緩之  
然後可行既至渤海郡以兵迎遂皆遣還遺書  
見情謂持鉏鉤悉為良民唯是盜賊乃始持兵  
由是郡中翕然而平乃復賑貸勸民樹蓄斥去  
末技賣刀買犢吏民富實止息訟獄在郡數年  
帝復遣徵以遂年老不任公卿欲以褒顯拜為

水衡唯以水衡專典上林共帳官館宗廟取牲  
帝甚重之官職尤親卒以官壽沒有遺榮

### 衛颯

河內衛颯家貧隨師傭以自給建武二年除襄  
城令政有名跡遷守桂陽交州接境俗無禮則  
颯修庠序設婚姻禮邦俗移易民居遠郡吏發  
乘船名曰傳役颯乃鑿山通道置郵役省勞息  
視事十年居官如家郡內清一光武徵還欲為  
少府會颯被疾敕須後詔載病詣闕自陳困篤

乃收印綬賜錢十萬居家以卒南陽蒧充代為  
桂陽教民種植養蠶織屨亦善其政民得利益

### 任延

任延長孫南陽宛人學於太學十二明經號為  
聖童以此顯名更始元年會稽都尉時年十九  
迎官以驚及到靜泊先祠延陵聘請高士董子  
嚴陵吳龍丘萇隱居高操四輔三公連辟不到  
修書致藥相望於道萇願備錄尋亦病卒延自  
臨殯不朝三日是時賢士爭往署職建武之初

上書王庭願乞骸骨光武詔徵九真太守賜馬  
雜繒九真射獵不知牛耕延作田器教之墾闢  
歲、開廣百姓充給駱越之民不知禮則各因  
淫好無適對匹延以年齒相配禮聘其後生子  
始知種姓尤多感德名子為任交守錫光化聲  
侔延領南華風始二守焉

王景

誦邯王景廣闕衆書薦能理水詔修汴渠應對  
敏給乃賜圖書滎陽以東商度地勢鑿山截澗

令相泗注明年渠成帝親循行三遷景秩以是  
知名後守廬江再修蕪廢壑開倍多銘石刻誓  
又訓蠶織為作法制文傳廬江竟卒于位

秦彭

秦彭伯平扶風茂陵為山陽守以禮措刑崇儒  
敦教制定六親農月度畝美品有程所立條式  
詔並班行轉守潁川嘉瑞相仍肅宗再幸思寵  
甚榮卒于章平允有賢名

王渙

王渙稚子廣漢鄭人少好俠力數通剽輕晚而  
改節讀律明經為郡功曹簡賢選能舉除溫令  
境內夷清兗州刺史風威大行徵拜侍御從駕  
南巡還令洛陽平正居身發植姦伏稱歎為神  
元興元年早就奄昏百姓追思立祠報恩羊羔  
素絲後代顯聞

許荆

陽羨許荆少為郡吏兄既早沒子世為嗣報讐  
殺人怨者攻世荆聞出門迎怨者跪願身代殺

怨家委去扶荆稱賢荆名益著太守王兢孝廉  
是舉遷守桂陽為設喪紀婚姻制度咸使知禮  
兄弟爭財荆自歸咎遂各感悔引罪求受唯荆  
在事十有二年父老稱歌以病上言徵拜建議  
竟卒於官桂陽立廟有風愛焉

### 孟嘗

孟嘗伯周會稽上虞三世為吏授命臨危嘗為  
戶曹操行自持上虞寡婦至孝養姑年老壽終  
以鳩見誣婦竟寃死莫察其事當爭不行泣謝



去歸郡中連旱禱請皆違後守殷丹訪問其故  
管具婦冤引昔孝婦感天致旱時雨不澍丹刑  
訟者而祭婦墓天應澍雨穀稼殷茂榮舉徐令  
遷守合浦海出珠寶商販通市先時守宰採求  
無紀珠遂漸徙界於交趾至嘗到官革易前敎  
去珠復還百姓安人被徵當還吏民舉轅旣不  
得進乃載民船遁處山澤身自耕田鄰縣慕德  
就家百餘當桓帝時楊喬上書前後七表不容  
區々嘗竟不用終於舊廬

劉矩

劉矩對方沛國蕭人少有高節州郡並徵叔達  
未仕遂絕不應太尉朱寵太傅桓焉為辟封遼  
察矩孝廉稍遷雍令在縣四年能以禮讓民用  
化遷太尉胡廣再舉其賢為尚書令凡得四遷  
矩性亮直不附貴勢出相常山由失梁竦後  
少悟乃補從事累遷太尉號為良輔坐免灾異  
尋以徵起時所辟召名儒宿德不通州郡順諫  
以默多見省用後以日食遂乞骸骨竟以壽卒

## 劉寵

劉寵祖榮東萊牟平少受父業察舉明經除東平令仁惠得民七遷其官為守會稽前政煩苛寵獨簡除犬不夜吠吏不侵漁徵為將作百姓見恩五六老叟皓髮龐眉出自若耶百錢自齊寵為人選一錢受之累轉司空頻遷出關西免歸郡並以灾異在官廉素家無餘貲以老病終後世稱之

## 仇覽

仇覽季智陳留考城自少淳默里不知名縣召  
補吏選長蒲亭勸人生業科令嚴明賑恤孤寡  
增役剝輕化導母子慈孝雙成縣令王渙政尚  
嚴猛聞覽德化勉卒累行遣入太學同郡苻融  
心獨竒覽以告林宗謁覽留宿下牀致恭覽既  
學畢州郡並請皆以疾辭不就其聘雖在宴居  
必以禮整妻子有過勉冠自警喜怒不形人莫  
能測後徵方正遇疾而卒

童恢

恢作种

童恢漢宗世瑯琊人少為郡吏執法廉平太尉  
楊賜聞而辟之及賜被劾掾屬思歸恢獨詣闕  
爭賜抗詞賜既得理掾屬復來恢即不顧杖策  
而辭尋辟公府除令      賞善勸農流民徙居  
祝除虎害吏人歌之青州舉異遷守丹陽時嬰  
暴疾未至而三弟翊漢文素有高名宰府先辟  
陽喑不行及恢被命乃始就徵除長湏昌異政  
日彰生為立祠民不能忘聞舉將喪棄官言旋  
不復應辟卒於家焉

第五訪

第五訪者京兆長陵少而孤貧身自傭耕以養

兄嫂暇則學文察宰新都

政平化行三年鄰縣歸戶倍增遂守張掖

開倉賑民一郡全活吏民豐殷順帝嘉之界無盜役并遷護羌威信並申邊境見服竟卒官云

呂純陽贊

避哉至人納氣鴻濛含道棄俗秀景玄冲虛質

多變異世猶逢翔嬉洞庭行天以風時引長笛

龍吟大空

溪之神化超然絕綜導藥延紀潛成馬窮圖祀快墟欽企雲中

魯仲連贊并序

夫偉奇澌儻非常之人必非世所易有然必令  
能令已重斷絕蹶塵之中飛薄日月之表而非  
如珠璣象齒翠羽犀布琉璃文甲生蠻夷窟澤  
間丈夫賤賈所得而挾玩之也是故薰敗而不  
為羞寡居而不為徒居前而令人輕居後而令  
人軒辟猶猛虎藏之溪山之中搏物而食之夫  
誰能制其短長哉於是作魯仲連先生贊

而我信信靡國不震載圉耶耶六陷長平矯矯  
先生是肆是愠責辟新垣復然魏軍秉節蹈海

解患圍城營梁紹晉萬國是楨約矢射書田單  
有勲偉哉玉貌猗歟先生

齊王田橫贊

余覽史記田橫與漢三事至尸鄉未嘗不哀其  
壯意氣危危然真若挾匕首當胸而人易死也  
又恠橫五百人慕義而從橫死豈非至著而莫  
為志其一人姓字何哉

赫赫齊王肇開土疆雷震倣寧龍變鷹揚爰率  
秦楚僭紫以亡肆紹廢旅時惟弟橫殲戰獻獻



來走於梁惟漢截楚梁惟漢輔漢祚既登肆析  
斯舉惟彼齊王爰度伊始是用率斬義刑烈士  
桓桓漢祖亦霄其渙

漢壽亭侯關公贊

惟公忠勇邁世孔棘赴赴虎烈披草騰跡協東  
贊主夙夜電擊洞開堅陣辣身刺敵效曹歸劉  
不忘舊德同拯天綱品分漢室鴻運雖傾光靈  
允赫歷世欽祀罔不昭格神之休矣佑我邦國

孫臏

金先生集卷之八  
壽榮之行六以其時徭徭刑徒卒為國師更駟  
顯画損竈曜奇齊是以強魏是以危秋哉壽榮  
讐滅名垂

金先生閒居圖贊

并序

先生嘗為烏程丞以非時解歸養恬立園閑純  
人事暇日乃命工繪寫閒居之圖以自娛焉予  
聞玉韞則山輝珠藏則川媚骨相既彰奚俟深  
鑒乃為贊曰

猗歟先生嶽峙川流托豪素以圖形儼珪組之

在目體般般以安肆容商商而恬漠舒玉趾于  
芳皋攬瓊藹于秀木熙熙乎瑩清真藻玄樛暢  
幽情于遠抱解塵絲乎近俗于是以延遐齡綏  
景福諒帝力之無施豈天刑之能束實仰止乎  
伊人殆云希古之高躅

陸翁閒居圖贊

并序

陸翁名 字 避世隱名秉心獨善寒池並

隴築室依林嘉樹列園芳疇匝含含太樸而無  
擾循四序以為歡若翁可謂抗迹區中逸情雲

外者矣猶子希臯索于贊翁之奚夫以盛德之  
形容而俾缺于紀述甚未可也輒系之以詞其

詞曰

茫茫大塊貞風浸薄粵若斯翁不彫不剗就閒  
曠而無為假丹青而有作忻眉宇之觀止仰襟  
期之遠託若夫穹宇靜謐周除夷廓脩梧掩霞  
喬松蔭岵選擇玄圃之芝迴舞維山之鶴心有  
親于魚鳥身不煩乎耕鑿用天道以取資從時  
宜以為樂得性陋乎干乘養真擅手一壑永綏

景命之期不拘當世之縛嘉矣哉吾雖未接乎  
斯翁允已謂其高邈

貞孝讚并序

休寧程汝義慷慨士也蚤世而殞妻汪孺人抑  
哀矢志日夜焚香教誨兩子善宦善夫以紹家  
聲操行高潔有合典經未數歲而善夫又夭孺  
人哀慟病噎善宦身往泰山禱於年壽而孺人  
疾果有瘳比善宦忽患危疾孺人憂勞疾復轉  
劇亟醫靡驗善宦繼室陳氏年始二十惶悸不

知所為乃詣嘗所供養觀世音菩薩像泣敷精  
懇願拔姑疾既而潛割股肉作湯以進孺人稍  
為強飲疾尋有瘳而善定亦就痊損里閭聞之  
咸共驚異以為孺人能堅苦節之貞陳氏能發  
慧根之孝貞母孝婦至性天篤是之格天而天  
祚之福也善定仲父汝玉亦以家門事行惧使  
湮泯遠乞讚詞以標女憲余觀程氏世德之盛  
流布四方綿遠百世衆餘萬指代起寸楮而閭  
闔之內慶變能亨又有出於常行之外昭卓如

此豈所謂行成於內而名立於後世者非邪且  
善定始以顧孝抗義而來故余得周知之竊用  
嘉歎爲之讚曰

穆穆貞孝實稟于天匪投于艱曷克以宣維天  
祐德宜康宜休宜膺景福曷艱是投引機喻訓  
勞耳見情進乳延年舐目還明嗟彼古列墨轍  
同塗于千萬禩與之合符維貞維孝格于天慈  
天人交格家無癘疾允茲德徽庶其有赫令問  
令望維內之則

金瓶梅像贊

嗟彼髦士恂恂厥容不佻以文自攻意語  
驚出理贍辭豐將翔將翔宜顯而融如何不淑  
以殞厥躬丹青寫真聖子圖中徹音往矣終古  
焉窮